

## Auf a Weihnachtslied

von

Engelbert Bach

*I hätt garn heuer  
vom Christkinlda,  
wos übri bleit  
von seinera  
himmlischn Ruha,  
wenn's schläfft. –*

*I hätt heuer garn  
vom hochheilien Paar,  
wos niet salber braucht  
von seinera  
einsamen Wacht. –*

*I hätt garn heuer,  
daß mer dia Engl  
aa wos kund mach tätn,  
weil een ollerwäll  
bei dan  
theologischn Dorchananner  
sou leicht  
as Halleluja  
im Hols schtackn bleit. –*

*I hätt heuer garn  
Niet bloß a Lieb,  
wua von wuahar lacht.*